

Kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaat

Sunngiffimmi sammisassaqartitsineq pillugu inatsimmi nr. 584, 29. november 1978-imeersumi §§ 1 aamma
2 naapertorlugit aalajangersarneqarput:

Kapitali 1.

Kulturikkut ingerlatsineq sunngiffimmilu sammisassaqartitsineq

§ 1. Peqqussummi matumani kulturikkut ingerlatsineq sunngiffimmilu sammisassaqartitsineq imatut paasineqassapput:

- 1) Sunngiffimmi atuartitsineq, tak. kapitali 3.
- 2) Sunngiffimmi sukisaarsartarfitt klubbit, tak. kapitali 4.
- 3) Meeqqat inuuusuttullu suliniaqtigiiffi, tak. kapitali 5.
- 4) Timersorneq, tak. kapitali 6.
- 5) Højskoliniinneq, tak. kapitali 7.
- 6) Kulturikkut ingerlatsineq inunnillu qaammarsaaneq, najukkani katersugaasiveqarneq ilanngullugu, tak. kapitali 8.
- 7) Tamanut ammasunik atuagaateqarfeqarneq tamatumani malittarisassat qaqugukkulluunniit atuuttut malillugit.

Kapitali 2.

Aqutsineq

§ 2. Kommunalbestyrelse kommunimi kulturikkut ingerlatsinermut sunngiffimmilu sammisassaqartitsinermut qullersaalluni akisussaavoq innuttaasullu innuttaaqatigiikkutaalluunniit kulturikkut sunngiffimmilu sammisassatigut tamakkiisumik neqeroorfiginissaat anguniarlugu anguniagassat tunngavissallu aalajangersassallugit.

Imm. 2. Ukiut tamaasa illoqarfimmi nunaqarfimmiluunniit kulturikkut ingerlatsinissamut sunngiffimmilu sammisassaqartitsinissamut kommunalbestyrelse pilersaarusiortassaaq.

Imm. 3. Kommunalbestyrelsip atorfinitssisavai sulisussat kommunimi kulturikkut sunngiffimmilu sammisassaqartitsinikkut sulinermi ulluinnarni ingerlatsisussat pisariaqartut.

§ 3. Sumiiffinni kommunit aggornerisa avataanniittuni peqqussut manna malillugu kommunalbestyrelsimit ulluinnarni suliassarititaasut Naalakkersuisunit isumagineqassapput.

Imm. 2. Imm. 1 malillugu Naalakkersuisunut isumagisassangortitaasut kommunimut ataatsimut arlalinnulluunniit kommunalbestyrelse isumaqatigalugu Naalakkersuisut suliarisassangortissinnaavaat.

Kapitali 3.

Sunngiffimmi atuartitsineq

§ 4. Peqqusummi matumani sunngiffimmi atuartitsineq meeqqanut, inuuusuttunut inersimasunullu aaqqissuussaq pineqarpoq. Sammisassat qanoq killilerneqarnissaat pillugu Naalakkersuisut malittarisassaliorsinnaapput.

Imm.2. Sunngiffimmi atuartitsineq aaqqissuunneqarsinnaavoq qanoq ukioqqortutigineq apeqqutaatinnagu.

Imm. 3. Sunngiffimmi atuartitsineq imatut aaqqissuunneqarsinnaavoq:

- 1) Nalinginnaasumik atuartitsineq, tak. § 6.
- 2) Nipilorsornermut ilinniartitsineq, tak. § 7.
- 3) Inersimasunik højskolertitsineq, tak. § 8.
- 4) Ilinniagaqarnaqatigiit, tak. § 9.
- 5) Oqalugiarnerit, tak. § 10.
- 6) Ilinniagassanik ataasiakkaanik atuartitsineq, tak. § 11.
- 7) Immikkut ittunut tunngasunik atuartitsineq, tak. § 12.
- 8) Inuussutissarsiutinut tunngasunut pikkorissarneq, tak. § 13.
- 9) Ulluinnarni atortariaqakkat pillugit atuartitsineq, tak. § 14.

Imm. 4. Nal. ak. ilai sunngiffimmi atuartitsinermi peqataasunik katerisimaartitsinernut atuartitsinvimmik imaqanngikkaluartunut atorneqarsinnaapput.

Imm. 5. Sunngiffimmi atuartitsineq ingerlanneqarsinnaavoq ulluunerani unnukkulluunniit. Sunngiffimmi atuartitsineq sivikinnerusumik sivisunerusumilluunniit ingerlanneqartussatut aaqqissuunneqarsinnaavoq.

§ 5. Sunngiffimmi atuartitsineq kommunalbestyrelsimit akuerineqartassaaq.

Imm. 2. Akuersissut nalunaarutigineqassaaq piumasaasut makkua naammassineqarsimappata

- 1) atuartitsineq tamanut ammasuussaaq §§ 8-10 kiisalu §§ 12 aamma 13-imí ukioqassutsimut killiliussat, kiisalu §§ 11 aamma 15 malillugit malittarisassat aalajangersakkatigut killiliussat iluanni,
- 2) atuartitsinermik aqutsisoq ilinniartitsisorlu pisariaqartinneqartunik piginnaassuseqassapput,
- 3) atuartitsissut ingerlatarluunniit naammattumik qulaajarlugit paasissutissiisoqassaaq,
- 4) atuakkat atuartitsinermilu atugassat assigisaallu peqataasunut akeqanngitsumik atugassanngortitaassapput,
- 5) suliaqarnermi atortussat peqataasumit akilerneqassapput, taamaallaat meeqqat inuuusuttullu 20-t inorlugit ukiullit pinnagit,
- 6) peqataasut qanoq amerlatiginissaat immikkullu piumasaasut allat atuartitsinernut ataasiakkaanut tunngasut naammassineqarsimassapput, tak. §§ 6-10 aamma §§ 12-14,
- 7) ingerlataq ingerlanneqassaaq inini piukkunnartuni pisariaqartunik atortoqartuni.

Imm. 3. Peqataasut qanoq amerlatiginissaannut aalajangersakkat kommunimi pisortat oqartussaasut saneqqussinnaavaat, tak. §§ 6-10 aamma §§ 12-14.

§ 6. Nalinginnaasumik atuartitsinermi pineqarput inunnut inuiaqatigiinnullu tunngasut imaluunniit pinngortitamik ilisimasaqassutsimut sammisanut tunngasut.

Imm. 2. Atuartitsineq aaqqissorneqassaaq pilersaarut malillugu atuartitsinvimmik ingerlatsisoqarnissaq qularnaarlugu.

Imm. 3. Peqataasussat ikinnerpaamik arfineq-pingasut nalunaarsimappata peqatigiinniartut

pilersinneqassapput.

Imm. 4. Sapaatit akunnerini tulleriiginnarni sisamani peqataasut agguaqatigiissillugu sisamat inulersimappatigit peqatigiit atorunnaarsitaassapput.

§ 7. Nipilersonermik ilinniarnermiippuit nipilersuutit, nipileroqatigiinnerup, erinarsoqatigiinnerup isiginnaartitsinerulluunniit ilinniartitsissutaaneri ineriaortortinnerilu.

Imm. 2. Atuartitsineq aaqqissorneqassaaq pilersaarut malillugu atuartitsinivimmik ingerlatsisoqarnissa qularnaarlugu.

Imm. 3. Ikinnerpaamik arfineq-pingasut nipileroqatigiinniarlutik erinarsoqatigiinniarlutilluunniit nalunaarsimappata, imaluunniit sisamat nipilersuutersorneq isiginnaartitsinerlu siunertaralugit nalunaarsimappata peqatigiinniartut pilersinneqassapput.

Imm. 4. Nipileroqatigiinnermut erinarsoqatigiinnermullu peqataasut sapaatip akunnerini tulleriiginnarni sisamani sisamanit ikinnerulersimappata ingerlataq unitsinneqassaaq.

Imm. 5. Nipilersuutersornermut isiginnaartitsinermulluunniit peqataasut sapaatit akunnerini tulleriiginnarni sisamani agguaqatigiissillugu marluk inulersimappatigit ingerlataq unitsinneqassaaq.

§ 8. Inersimasut højskolertarneranni pineqarput inunnut inuiaqatigiinnullu imaluunniit ilisimatusaatinut tunngasunik ingerlaqqiffiusumik ilinniartitsinerit.

Imm. 2. Atuartitsineq kikkunnut tamanut ammasuussaaq. Sammisap suunera malillugu qanoq ukioqqortutiginissaq killilerneqarsinnaavoq.

Imm. 3. Atuartitsineq aaqqissorneqassaaq pilersaarut malillugu atuartitsinivimmik ingerlatsisoqarnissa qularnaarlugu.

Imm. 4. Ikinnerpaamik arfineq-pingasut nalunaarsimappata peqatigiit pilersinneqassapput.

Imm. 5. Sapaatit akunnerisa malittuinnaat sisamat ingerlaneranni peqataasut agguaqatigiissillugu sisamat inulersimappatigit ingerlataq unitsinneqassaaq.

§ 9. Ilanniagaqarniaqatigiit tassaapput inuit arlallit peqataanermikkut inunnut, inuiaqatigiinnut imaluunniit ilisimatusarnermut sammisassamik namminneerlutik qulaajaasut.

Imm. 2. Ilanniagaqarniaqatigiinneq kikkunnut tamanut ammasuussaaq. Sammisap suunera malillugu qanoq ukioqqortutiginissaq killilerneqarsinnaavoq.

Imm. 3. Ilanniagaqarniaqatigiinneq aaqqissuunneqassaaq ilanniagaqarnermut atortussat naleqquuttut tunngavigalugit.

Imm. 4. Ikinnerpaamik arfineq-pingasut nalunaarsimappata suleqatigiit pilersinneqassapput.

Imm. 5. Sapaatit akunnerisa malittuinnaat sisamat ingerlaneranni peqataasut agguaqatigiissillugu sisamat inulersimappatigit peqatigiit atorunnaarsinneqassapput.

§ 10. Oqalugiarneq tassaavoq oqalugiaatit ataasiakkaat imaluunniit oqalugiaatit nangeqattaartut arlallit atorlugit inunnut, inuiaqatigiinnut ilisimatusarnermullu tunngasunik paassisutissiineq.

Imm. 2. Oqalugiarneq tamanut ammasuussaaq. Sammisap suunera malillugu qanoq ukioqqortutiginissaq killilerneqarsinnaavoq.

Imm. 3. Oqalugiaqattaarnermut peqataaniarlutik nalunaartut ikinnerpaamik 15-iussapput.

Imm. 4. Oqalugiaqattaarnermi peqataasut agguaqatigiissillugu qulit inulerpatigik peqatigiit atorunnaarsinneqassapput.

§ 11. Ilanniagassanut ataasiakkaanut ilinniarneretuunngorniarfimmi atuarsimasutut qaffasitsisigisumik misilitsinnissamik siunertalinntut atuaqatigiinnik pilersitsinissamut malittarisassat Naalakkersuisunit aalajangersarneqassapput.

§ 12. Immikkut ittumik atuartitsineq tassaavoq atuartitsineq inunnut innarluutilinnut neqe-roorutissatut aaqqissugaasoq.

Imm. 2. Atuartitsineq aaqqissugaassaaq atuartussat malillugit inuuusuttunullu meeqqat atuarfanni atuartussajunnaareersunut inersimasunullu tamanut ammasuussalluni.

Imm. 3. Ikinnerpaamik marluk immikkut atuartitaanissamut akuerineqartut nalunaarpata atuartitaaneq pilersinneqassaaq.

Imm. 4. Immikkut pissutissaqartillugu inuit ataasiakkaarlugit atuartinneqarsinnaapput.

Imm. 5. Atuartitsineq aaqqissorneqassaaq pilersaarut malillugu atuartitsivimmik ingerlatsisoqarnissaa qularnaarlugu.

Imm. 6. Naalakkersuisut immikkut atuartitsinermut malittarisassiussapput, tak. imm. 1.

§ 13. Inuussutissarsiutinut tunngasunut pikkorissarneq tassaavoq peqataasut suliamut aalajangersimasumut tunngasumik sunngiffimmi pikkorissartitaanerat. Tamatumanili pineqanngillat inuussutissarsiutinut ilinniartitaanerit inuussutissarsiutinulluunniit pikkorissartitaanerit inatsimmik allamik tunngaveqartut.

Imm. 2. Atuartitsineq kikkunnut tamanut ammasuussaaq. Sammisap suunera malillugu qanoq ukioqqortutiginissaq killilerneqarsinnaavoq.

Imm. 3. Atuartitsineq aaqqissorneqassaaq pikkorissartitsinissamut pilersaarut, kattuffinnut suliamut tunngasunut isumaqtigiaanniareernikkut, communalbestyrelsimit akuerineqarsimasoq malillugu.

Imm. 4. Ikinnerpaamik arfineq-pingasut nalunaarsimappata atuartitsineq pilersinneqassaaq.

Imm. 5. Sapaatit akunnerini malittuinnarni sisamani peqataasut agguaqatigiissillugu sisamat inulerpatigit ingerlataq unitsinneqassaaq.

§ 14. Ulluinnarni atortariaqakkat pillugit atuartitsineq tassaavoq ulluinnarni atortariaqakkanut ineriaartutissanullu tunngasunik atuartitsineq.

Imm. 2. Atuartitsineq aaqqissorneqassaaq pilersaarut malillugu atuartitsivimmik ingerlatsisoqarnissaa qularnaarlugu.

Imm. 3. Ikinnerpaamik aqqaneq-marluk nalunaarsimappata atuartitsineq aallartinneqassaaq.

Imm. 4. Sapaatit akunnerisa sisamat malittuinnaat ingerlaneranni peqataasut agguaqatigiissillugu arfineq pingasut inulersimappatigit ingerlataq unitsinneqassaaq.

Imm. 5. Ulluinnarni atortariaqakkat pillugit atuartitsineq Naalakkersuisut malittarisassiuussinnaavaat, tak. imm. 1.

§ 15. Peqataasussat ikinnerusinnaanerat, peqataasussat amerlassusiligaanerisa saneqqunneqarsinnaanerat, qanorlu ukioqqortutiginissaq, atuaqatigiit arlariit pilersinneqarsinnaanerat pillugit Naalakkersuisut malittarisassiorsinnaapput kiisalu nal. ak. atuartitsivissat amerlassusissaat aalajangersaavigisinnaallugu, tak. §§ 6-10 aamma §§ 12-14.

§ 16. Kommunalbestyrelsip sunngiffimmi atuartitsinermi peqataasut akiliisittassavai.

Imm. 2. Akiliutissap imm. 1-imi taaneqartup annertussusissaa, naatsorsorneqartarnera allaffissornikkullu aqunneqarnera pillugit Naalakkersuisut malittarisassiuussapput.

Kapitali 4.

Sunngiffimmi sukisaarsaartarfik klubbit

§ 17. Sunngiffimmi sukisaarsaartarfik klubbi tassaavoq meeqqat inuuusuttullu sunngiffimminni suliaqarlutik ataatsimooqatigiinniarlutillu katerisimaartarfiat.

§ 18. Kommunini sunngiffimmi sukisaarsaartarfait klubbit pilersinnejqarsinnaapput piumasat makkua tunngavigalugit

- 1) klubbi meeqqanut inuuusuttunullu 6-iniit 21-nut ukiulinnut tamanut ammasuussaaq,
- 2) klubbibip pisortaa suleqataalu pisariaqartunik piginnaasaqassapput,
- 3) klubbi piukkunnartunik ineqartinnejqassaaq,
- 4) atortussat pisariaqartut akeqanngitsumik atorsinnaatitaassapput,

Imm. 2. Qanoq ukioqqortutigisut piffissani aalajangersimasuni sunngiffimmi sukisaarsaartarfinnik klubbinik atuisinnaanerat pillugu Naalakkersuisut sukumiinnerusunik malittarisassiorsinnaapput.

§ 19. Kommunini sunngiffimmi sukisaarsaartarfait klubbit akiliisitsisinnaapput imaluunniit katersuiniarsinnaallutik klubbibip ingerlatai, pilersaarutai il.il. nukittorsarniarlugit. Taamaattoq sunngiffimmi sukisaarsaartarfimmik klubbitimut peqataanermut ilaasortatut akiliutivinnik akiliisitsisoqarsinnaanngilaq.

Imm. 2. Akiliutit annertussusissaannut maleruagassat Naalakkersuisut aalajangersassavaat.

§ 20. Kommunalbestyrelse sunngiffimmi sukisaarsaartarfinnut klubbinut kommunip ingerlatarinngisaannut tapiissuteqarsinnaavoq.

Imm. 2. Sunngiffimmi sukisaarsaartarfait klubbit imm. 1 naapertorlugu tapiiffigineqartartut kommunalbestyrelsip akuerissavai nakkutigalugillu.

Imm. 3. Kommunalbestyrelse akuersissappat klubbi malittarisassaqassaaq.

Imm. 4. Sunngiffimmi sukisaarsaartarfait klubbit kommunimit ingerlanneqanngitsut Naalakkersuisut malittarisassiutissavaat, tamatumani ilangullugit klubbibip malittarisassai.

Kapitali 5.

Meeqqat inuuusuttullu suliniaqatigiiffi

§ 21. Meeqqat inuuusuttullu suliniaqatigiiffi tassaapput suliniaqatigiiffiit aaqqissuussinernik meeqqanut inuuusuttunullu 30-t inorlugit ukiulinnut ingerlatsisartut.

§ 22. Naalakkersuisut meeqqat inuuusuttullu suliniaqatigiiffiinut nuna tamakkerlugu ingerlanneqartunut tapiissuteqarsinnaapput, tamatumani ilangullugit nunat tamalaat akornanni aaqqissuussinernut peqataanerit.

§ 23. Kommunalbestyrelse najukkami meeqqat inuuusuttullu suliniaqatigiiffiinut tapiissuteqarsinnaavoq.

Kapitali 6.

Timersorneq

§ 24. Naalakkersuisut timersoqatigiit nuna tamakkerlugu kattuffiinut tapiissuteqarsinnaapput ataatsimoortumik aningaasaliissuteqarnikkut.

§ 25. Naalakkersuisut piukkunnartunut timersullammannullu kiisalu nunat tamalaat akornanni timersornikkut peqataanernut tapiissuteqarsinnaapput Team Grønlandimut ataatsimoortumik aningaasaliissuteqarnikkut.

§ 26. Kommunalbestyrelse najukkani timersoqatigiit peqatigiiffiinut tapiissuteqarsinnaavoq, tamatumani ilangullugu ilitsersuisut/sungiusaasut akissarsiaqartitaanerannut.

§ 27. Timersornermut tapiissuteqartarneq kiisalu meeqqat inuuusuttullu suliniaqatigiiffiinut sanilliullugu killiliinissaq pillugit Naalakkersuisut malittarisassiussapput.

Kapitali 7.

Højskolut

§ 28. Naalakkersuisut Kalaallit Nunaata avataani højskolimiinnernut tapiissuteqarsinnaapput.

Imm. 2. Naalakkersuisut højskolimiinnernut tapiissutinut piumasaasut pillugit malittarisassiorsinnaapput, tak. imm. 1.

Kapitali 8.

Kulturikkut ingerlatsineq inunnillu qaammarsaaneq

§ 29. Kulturikkut ingerlatsineq inunnillu qaammarsaaneq tassaapput tamanut ammasumik ataatsimiitsinerit, peqatigiiffilerinerit, atuagassaqartitsineq taamatullu aviisinik aviiseeqqanillu ingerlatsinerit, saqqummersitsinerit, isiginnaartitsinerit, erinarsornerit nipilersornerillu, filminik videunillu ingerlatsinerit, najukkani radiumik fjernsynimillu ingerlatsinerit, sumiiffimmik katersugaasiveqarneq aaqqissuussinerillu allat tamanut nalinginnaasumik kulturikkut ingerlatsinermut inunnillu qaammarsaanermut tunngasunik siunertaqartut.

§ 30. Naalakkersuisut kommunalbestyrelsili makkununnga tapiissuteqarsinnaapput:

- 1) Tamanut ammasumik ataatsimiitsisarnermut.
- 2) Najukkami nunaluunniit tamakkerlugu suliniaqatigiiffinnut.
- 3) Atuagassaqartitsinermut, taamatuttaaq aviisiilornermut aviiseeraliornermullu.
- 4) Saqqummersitsinernut.
- 5) Isiginnaartitsinermut,
- 6) Erinarsornermut nipilersornermullu.
- 7) Filminik videunillu suliaqarnermut.
- 8) Najukkami radiukkut fjernsynikkullu aallakaatitsinermut, tamanna pillugu malittarisassat sukkulluunniit atuuttut tunngavigalugit.
- 9) Najukkami katersugaasiveqarnermut, tamanna pillugu malittarisassat sukkulluunniit atuuttut tunngavigalugit.
- 10) Najukkami nunaluunniit tamakkerlugu ingerlatanut aaqqissuussinernullu allanut, tamatumani ilangullugit pikkorissarnerit tamanut nalinginnaasumik kulturimut inunnillu qaammarsaanermut tunngasut.
- 11) Eqqumiitsuliortunut ataasiakkaanut.

Imm. 2. Naalakkersuisut salliutillugit tapiissuteqarfigisassavaat nuna tamakkerlugu ingerlatat inuussutissarsiutigalugulu ingerlatsineq, kommunillu salliutillugit tapiissuteqarfigisassallugit najukkami ingerlatat.

Imm. 3. Kulturikkut ingerlatsineq inunnillu qaammarsaaneq pillugit sulineq kapitali manna malillugu tapersiivigineqartartoq piviusorsiortuussaaq tamatigoortuullunilu aammalu qaammarsaanermut eqqumiitsuliornermulluunniit tunngasuussalluni.

Imm. 4. Kapitali manna malillugu tapiissuteqarfigineqassanngillat siunertat naalakkersuinikkut ingerlatsinermut, upperisarsiornermut sulisartoqarnermiluunniit peqatigiiffeqarnermut tunngasut.

§ 31. Kulturikkut ingerlatsineq inunnillu qaammarsaaneq pillugit Naalakkersuisut malittarisassisorsinnaapput, tak. § 30, imm. 1, tamatumani ilangullugit tapiissuteqarfigineqarnissamut piumasaqaatit pillugit malittarisassat.

Kapitali 9.

Init silamilu ingerlatsiviit

§ 32. Kommunalbestyrelsip sunngiffimmi atuartitsinermut, tak. kapitali 3, aamma sunngiffimmi sukisaarsaartarfinnut klubbinut akuerisaasunut, tak. kapitali 4, akeqanngitsumik atugassanngortissavai init atortorissaarutillu allat pisariaqartitat, tamatumani ilanngullugit init atuarfiit, silami ingerlatsiviit inissallu tamanut ammasut allat.

Imm. 2. Kommunalbestyrelsip meeqqat inuuusuttullu suliniaqatigiiffiinut, tak. kapitali 5, aamma kulturikkut ingerlatsinermut inunnillu qaammarsaanermut, tak. kapitali 8, malittarisassat Naalakkersuisunit aalajangersagaasut malillugit atugassanngortissavaat init atortorissaarutillu allat pisariaqartitat, tamatumani ilanngullugit init atuarfiit, silami ingerlatsiviit inissallu tamanut ammasut allat.

§ 33. Kommunalbestyrelse ininut silamilu ingerlatsivinnut meeqqat inuuusuttullu suliniaqatigiiffiinit pigineqartunut attartorneqartunulluunniit ingerlatsinermut tapiissuteqartassaaq.

Imm. 2. Kommunalbestyrelse ininut silamilu ingerlatsivinnut timersoqatigiiffiinit pigineqartunut attartorneqartunulluunniit ingerlatsinermut tapiissuteqarsinnaavoq.

Imm. 3. Kommunalbestyrelse ininut kulturikkut inunnillu qaammarsaanermi atugaasunut ingerlatsinermut tapiissuteqarsinnaavoq, tamatumani ilanngullugit ataatsimiittarfiit katersortarfillu.

§ 34. Naalakkersuisut init meeqqat inuuusuttullu suliniaqatigiiffiinit atugassat pilersinnerinut iluarsarneqarnerinullu tapiissuteqarsinnaapput.

Imm. 2. Naalakkersuisut timersortarfiit sananerannut, iluarsarnerinut aaqqissuunneranullu tapiissuteqarsinnaapput.

Imm. 3. Naalakkersuisut init kulturikkut ingerlatsinermut inunnillu qaammarsaanermut atugassat sananeqarnerannut, iluarsarnerinut aaqqissuunneranullu tapiissuteqarsinnaapput, tamatumani ilanngullugit ataatsimiittarfiit katersortarfillu.

§ 35. Kommunalbestyrelse allalluunniit init timersortarfilluunniit pilersitaanerannut iluarsarneqarnerannullu tapiissuteqarsimappata Naalakkersuisut tapiissutit ilaat utertillugit akilersinnaavaat.

Kapitali 10.

Misileraanerit, naammagittaaliuutit atuutilersitsinerlu

§ 36. Naalakkersuisut peqqussut malillugu isumagisassaminut paasissutissat piaiaqarsorisatik kommunalbestyrelsimit piumasinnaavaat.

§ 37. Aningaasartuutit kulturikkut ingerlatsinermut inunnillu qaammarsaanermut atorneqartut kommunit tamakkerlugit akiligassaraat, aningaasartuutit tamakkerlugit ilaannaaluunniit Namminersornerullutik Oqartussanit allanilluunniit akilerneqassasut inatsisitigut erseqqissumik tunngavissiisoqarsimannngippat. Namminersornerullutik Oqartussat kommunillu suliassat peqqussummi suliassiissutaasut suliariinissaannut akiliuteqarlutik isumaqatigiissuteqarsinnaapput.

Imm. 2. Sumiiffinni kommunit aggornerisa avataanniittuni aningaasartuutit, tak. imm. 1, Naalakkersuisunit akilerneqassapput.

§ 38. Peqqussut manna malillugu tapiissutinut qanorlu allaffissornikkut aqunneqarnissaannut Naalakkersuisut malittarisassiorsinnaapput.

§ 39. Naalakkersuisut pissutsini immikkut ittuni aaqqissuussigallarnertut peqqussummi aalajangersakkat saneqqussinnaavaat peqqussutip iluani misileraaneq siuarsarumallugu tamanna pisariaqartutut

isigineqarpat.

Imm. 2. Naalakkersuisut imm. 1 naapertorlugu misileraanernut tapiissuteqarsinnaapput.

§ 40. Peqqussut manna naapertorlugu kommunalbestyrelsit aalajangigaat pisortanut oqartussaasunut allanut suliassanngortinnejqarsinnaanngillat. Sulianut Naalakkersuisut isumaqatigineratigut kommunalbestyrelsismut tunniunneqartunut tunngatillugu kommunalbestyrelsip aalajangigai aalajangiinermiit sapaatit akunneri sisamat qaangiutsinnagit Naalakkersuisunut suliassiisutigineqarsinnaapput.

§ 41. Inatsisartut peqqussutaat ulloq 1. juli 2002 atuutilerpoq.

§ 42. Kulturimut atuartitsinermullu tunngasut siulorsorneqarnerat pillugu Inatsisartut peqqussutaat nr. 8, 7. maj 1988-imeersoq kiisalu sunngiffimmi sammisassaqtitsineq pillugu Inatsisartut peqqussutaat nr. 5, 9. april 1992-imeersoq 1. juli 2002-miit atuutilersumik atorunnaarsinnejqarput.

Imm. 2. Taamaattorli sunngiffimmi ingerlatsineq pillugu Inatsisartut peqqussutaanni nr. 5-imi, 9. april 1992-imeersumi § 9 aamma § 10 atuutiinnassapput.

Imm. 3. Sunngiffimmi sammisassaqtitsinermut ataatsimiitalianik qinersisarneq pillugu nalunaarut nr. 8, 5. april 1993-imeersoq 1. juli 2002-miit atorunnaassaaq. Malittarisassat allat Inatsisartut peqqussutaanni taaneqartuni imm. 1-imi taaneqartut naapertorlugit aalajangigaasut atuutiinnassapput inatsisartut peqqussutaat manna allalluunniit tunngavigalugit malittarisassatigut aalajangersarneqartutigut allanngortinnejqarnissartik atorunnaarsinnejqarnissartilluunniit tikillugu.

Namminersornerullutik Oqartussat, ulloq 21. maj 2002

Jonathan Motzfeldt

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut